

DE
COMMUNICATIONE MOTVS
IN COLLISIONE CORPORVM
SESE NON DIRECTE PERCVTIENTIVM.

AVCTORE

Leonb. Eulero.

§. I.

Tabula II
et III.

QUAMNAM motus alterationem, si duo corpora in se mutuo impingant, vtrumque corpus ex collisione patiat, quaestio est iam praeterito seculo producta atque multum agitata; huius vero seculi annis 1724 et 1726 ab Academia Scientiarum Regia Parisina de novo cum annexo praemio consueto publice est proposita: quo factum est, vt plures insignes Geometrae istam quaestionem accuratiori examini subiecerint, suasque meditationes iudicio inclytae illius Academiae commiserint. Hinc aliquot hac de re dissertationes publici iuris sunt factae, quibus ista quaestio non solum maiore industria est tractata, sed etiam ad summum certitudinis fastigium euectae. Quantumuis autem haec materia exhausta videatur, tamen nonnisi exigua huius quaestionis particula etiamnum est inuestigata, atque tota, quam habemus, doctrina de percussionibus est tantum casus maxime particularis quaestionis, quemadmodum proponi solet. Si enim hanc quaestionem extendamus ad corpora cuiuscunque figurae, quae quomodocunque in se inuicem irruant, regulae communicationis motus adhuc cogni-

cognitae minime sufficiunt. Quod vt magis fiat perspicuum ad hoc attendere oportet, quod regulae circa motus communicationem traditae in eiusmodi tantum collisionibus locum inueniant, in quibus recta corporum in se inuicem impingentium centra grauitatis iungens per ipsum punctum impulsus transeat, atque in contactum simul sit normalis; quarum conditionum nisi vtraque adfit, doctrina, quam de percussionibus habemus, perperam adhibetur; et qualis in huiusmodi collisionibus motus mutatio producat, adhuc maxime latet. Interim tamen ex his satis intelligitur, regulas receptas in collisione corporum sphaericorum semper tuto vsurpari posse, si quidem eorum centra grauitatis in ipsa figurae centra incidant. Nam quomodocunque duo globi sibi mutuo occurrant, recta per eorum centra transiens quoque per punctum contactus transibit, eritque in contactum perpendicularis. Quoties autem contingit, vt duorum corporum se mutuo percutientium recta eorum centra grauitatis iungens non per ipsum contactum normaliter transeat, toties regulae consuetae nullius erunt vsus. Huic igitur defectui cum *Cel. Dan. Bernoulli* subuenire se instituisse mihi nuper significasset, meque ad eundem laborem suscipiendum excitasset, tam propter ipsam rei dignitatem quam amicam admonitionem statim hoc negotium sum aggressus; in quo eidem viae, qua ante aliquot annos regulas communicationis motus vulgares elicui, insistens, atque quibusdam nouis a me non pridem detectis principiis mechanicis in subsidium vocatis, tandem praefixum attingi scopum. Has igitur meditationes meas in ordinem disponere, atque clare explicare visum

G 2

est;

est; totamque disquisitionem tam ad corpora perfecte dura quam elastica, quae alias seorsim tractari solent, accommodabo.

Tabula II.
Figura I.

§. 2. Quando duo corpora A et B concurrunt, ea se mutuo in puncto C tangunt, eritque mihi in sequentibus hoc punctum C punctum contactus. Fieri quidem potest, ut duo corpora concurrentia se mutuo in pluribus punctis vel etiam in integra quadam superficiei portione tangant; sed huiusmodi casus in praesenti non sum contemplaturus, cum tractata sint nimis difficiles, atque methodo, qua sum vsurus, nihilominus, ad calculum reuocari queant. In casibus ergo, quos euoluere constitui, semper fiet contactus in puncto quopiam uti in C, quod punctum contactus seu punctum impulsus vocabo, ex quo effectus, quem corpora in se mutuo exerunt, est determinandus. Dabitur ergo planum, quod vtrumque corpus in puncto contactus C tangit, cuius vestigium in figura est recta ECF; hocque planum vocabo planum contactus. Deinceps si ad hoc planum ducatur perpendicularis *ef* per punctum contactus C transiens, eam vocabo directionem impulsus, cum corpora concurrentia in se mutuo normaliter agant, atque hinc se mutuo secundum directionem *ef* vrgeant.

Figura 2. §. 3. Ex directione impulsus cum centrīs grauitatis vtriusque corporis comparata tres oriuntur collisionum species. Prima species, quam collisionem rectam appello, est, quando rectae AC et BC quae ex corporum centrīs grauitatis A et B in punctum contactus C ducuntur, ambae in planum contactus EF sunt perpendiculares. Hoc ergo casu recta iungens vtriusque cor-

poris centra grauitatis per punctum contactus transit, et simul in planum contactus est normalis. Regulae igitur percussiois; quae adhuc sunt erutae, tantum ad has primae speciei collisiones pertinent. Ad secundam speciem refero collisiones rectobliquas, in quibus altera recta BC, quae ex alterius corporis B centro grauitatis B in punctum contactus C ducitur; est normalis in planum contactus; altera vero AC ex centro A alterius corporis A in punctum contactus C ducta in planum contactus EF oblique cadit. Tertiae speciei collisiones, quas obliquas vocabo, ita erunt comparatae, ut vtraque recta AC et BC, quae ex corporum centrīs grauitatis A et B in punctum contactus C ducuntur, in planum contactus EF oblique incidat.

Figura 3. §. 4. De prima ergo collisionum specie seu collisione recta non opus est, ut hic verba faciam, cum ea tam ab aliis iam satis tractata, quam a me etiam ante aliquot annos eadem methodo, qua hic sum vsurus, pluribus exposita sit. Praeterea autem collisio recta tanquam species secundae speciei considerari potest, cum ea facta altero angulo, qui est obliquus, quoque recto, in speciem primam abeat, ita ut regulae ad primam speciem spectantes in regulis secundae speciei contineantur. Simili modo species secunda in tertia comprehenditur, dum alter obliquorum angulorum in rectum abit; adeo ut species tertia latissime pateat, et tam primam quam secundam in se complectatur. Ne autem in hisce collisionibus examinandis nimiam distinear, nec ad solidorum contemplationem, quae ob imaginationis difficultatem ta-

diola esse solet, deducar, alias collisiones non tractabo, nisi quae in eodem sunt plano. Hanc ob rem tam motus corporum directiones, quam impulsus directio itemque corporum centra grauitatis et punctum contactus mihi semper erunt in eodem plano; huc autem etiam ii casus, in quibus hoc non contingit, reduci possunt, adeo ut hac restrictione vniuersalitati nihil decedat.

§. 5. Quando duo corpora concurrunt, actio quam in se mutuo exercent fiet in ipso puncto contactus et directio vis, qua alterum alterum vrget, erit normalis in planum contactus, seu incidet in directionem impulsus. Duo ergo huiusmodi corpora, quae concurrunt, prement se mutuo in puncto contactus, et nisi sint durissima, impressionem facient, quae impressio eo erit maior, quo molliora fuerint corpora, et quo maiore vi in se mutuo irruant. Haec autem impressio siue sit maior siue minor, hoc nihil refert in motuum alterationem, et hanc ob rem eius quantitas non in computum ingredietur. Postquam vero talis impressio est facta corpora se vel restituent in pristinam figuram, vel impressionem factam retinebunt; illud scilicet euenit in corporibus elasticis, hoc vero in non-elasticis. Corpora igitur non elastica tam diu tantum in se mutuo agunt, quoad impressiones, quas patiuntur, sint maximae, tum enim, quia sese non restituant, cessabit actio corporum reciproca, et vtrumque ea celeritate, quam hoc momento habet, moueri perget. Corpora vero elastica tam diu in se mutuo agent, quoad impressiones, quas vtrumque est adeptum penitus fuerint restitutae. Atque haec est essentialis differentia inter corpora elastica et non elastica, ex qua regulae communicationis motus pro vtrisque debent deriuari.

§. 6.

§. 6. Ad mutuam hanc corporum actionem, ex qua alteratio motus in vtroque oritur, cum melius percipiendam, tum facilius explicandam, loco vis, qua corporum particulae, prope contactum sitae impressioni resistunt, in puncto contactus cogitatione substituo elastrum *Figura 5* CD, quod quo magis fuerit compressum seu breuius factum, eo maiore vi sese extendendi et in longitudinem naturalem restituendi gaudeat. Qua quidem ratione vis huius elastri crescat pro diminutione longitudinis eius, nihil interest ad alterationem motus in collisione factam determinandam; sed quaecunque accipiatur ratio, eadem semper motus alteratio reperietur. Huius ergo elastri imaginarii positio CD incidere debet in directionem impulsus, seu normalis erit in planum contactus. Quamdiu igitur hoc elastrum comprimitur, vi sua sese extendendi vrget vtrumque corpus; et, si corpora non fuerint elastica, eius vis cessabit subito, quando in statum maximae compressionis fuerit reductum. At si corpora fuerint elastica, tum elastrum sese in situm pristinum actu restituere ponendum est, ita ut tamdiu corpora ambo vrgeat, donec naturalem suam longitudinem recuperauerit. Hac ergo ratione alteratio motus in collisione corporum ad effectum potentiarum sollicitantium est reducta.

§. 7. Ad motum ergo, quem duo corpora in se inuicem impingentia post conflictum sint habitura, definiendum, requiritur, ut effectum vis elastri CD seu datae cuiusque vis in corpus datum determinare valeamus: ex his enim successibus elastri pressionibus in vtrum-

utrumque corpus exercitis coniunctim sumtis oritur motus utriusque corporis post conflictum. Quamobrem, antequam motus alterationem ex collisione oriundam determinare liceat, inuestigari debet, qualem effectum data potentia in dato puncto corpori cuiusque siue quiescenti siue moto applicata producat dato tempore. In hoc vero negotio etiamnum caremus sufficientibus principiis; quae enim habentur et satis nota sunt principia, quibus potentiarum sollicitationes definiri solent, ea tantum corporibus infinite paruis sunt accommodata, atque ad corpora finitae magnitudinis applicari omnino nequeunt, nisi directio potentiae sollicitantis per centrum grauitatis corporis transeat. Atque iste defectus in causa est, quod collisiones primae tantum speciei ope horum principiorum explicari potuerint, ad duas reliquas vero species haec principia non sufficiant.

§. 8. Cum igitur non ita pridem in haec desiderata mechanicae principia incidissem, ea ad has de collisionibus quaestiones soluendas feliciter accommodare licuit. Haec ergo principia imprimis proferre et explicare decet, demonstrationem autem seu methodum, qua ad ea perueni, institutum hoc meum exponere prohibet; sed alia forte occasione eorum veritatem firmissimis demonstrationibus declarare licebit. Ante omnia igitur est notandum in omni corpore duplicem motum inesse posse, quorum alter, quem progressiuum voco, est motus centri grauitatis; alter vero motus, quem gyratorium vocabo, consistit in motu conuersionis corporis circa centrum grauitatis. Cognitis ergo tum directione et celeritate

ritate centri grauitatis, tum motus gyratorii celeritate et plaga in quam fit, totus corporis motus adaequate cognoscitur. Motus autem gyratorius fit circa axem per centrum grauitatis transeuntem vel fixum vel mobilem; fixus quidem erit axis, si vires centrifugae singularum corporis particularum se mutuo destruant; at si se non destruant, axis situm mutabit fietque mobilis. Cum ergo hic tantum motus in eodem plano factos explorare sit propositum, motus gyratorios tantum circa axem fixum considerabo.

§. 9. Ex hac instituta restrictione intelligitur, cuiusmodi ea corpora esse debeant, quorum conflictus hic sum expositurus. Corpora scilicet ita debent esse comparata, ut, dum in se mutuo impingunt, directio impulsus in idem planum incidat, in quo sita sunt corporum collidentium centra grauitatis A et B, atque punctum impulsus C. Quare si puncta A, B, C in plano horizontali sita esse ponamus, directio impulsus quoque horizontalis esse debebit, id quod eueniet, si planum contactus fuerit verticale. Praeterea vero corpora A et B eius indolis esse oportet, ut ea circa axem verticalem per centrum grauitatis transeuntem libere rotari queant; quae proprietas non in omnia corpora competit. Quamobrem eiusmodi tantum corpora considerabimus, quorum axes verticales per omnium sectionum horizontalium grauitatis centra transeant, quippe quae circa axem verticalem per centrum grauitatis transeuntem libere rotari possunt. Denique motus directiones quoque in plano horizontali sitas esse pono, quo tam motus ante conflictum quam post conflictum in plano horizontali fiant.

Tom. IX.

H

§. 10.

§. 10. Quando quidem directiones, in quibus corpora collidentia mouentur, non fuerint horizontales, si cuius nihilominus huc facile referuntur ope motus resolutionis: in conflictu enim motus horizontales tantum variantur, verticalibus immutatis manentibus, ita vt post conflictum ope compositionis motus determinari queant. Ob hanc igitur restrictionem tractatio nostra non minus generalis erit censenda. Reliquae vero duae conditiones omnino cum plurima corpora, tum plurimos impulsus excludunt. Sed huiusmodi casus partim ob nimiam difficultatem tractandi praetermittere constitui, partim quod nonnulli ex modo, quo propositos sum tractaturus, etiam paucis mutandis resolui queant. In sequentibus ergo perpetuo id erit tenendum, me tam motuum directiones, quam corporum centra grauitatis vna cum puncto et directione impulsus in eodem plano posita esse intelligere, atque corpora eius tantum indolis admittere, quorum sectiones horizontales omnes sua grauitatis centra in eadem recta habeant sita, quae recta verticalis mihi erit axis gyrationis.

§. 11. His praemissis ad principia, quibus sum vsurus, exponenda progredior, quorum primura est, quod omne corpus habens motum progressiuum eundem motum vi insita inertiae aequabiliter in directum perpetuo conseruet; nisi a viribus externis impediatur. Corporum ergo, quae hic contemplantur, motus centri grauitatis erit aequabilis in linea recta horizontali, qualemcunque id etiam interea habent motum gyrationis. Secundum principium in hoc consistit, quod corpus eius scilicet indolis,

dolis, vt posui, motum habens gyrationis circa axem verticalem per centrum grauitatis transeuntem, hunc quoque motum constanter seruet aequabilem, quomodocunque interea motus progressiuus in directum immutetur. Ex his duobus principiis conficitur, quod corpus duplici motu praeditum altero progressiuo, altero gyrationis circa axem per centrum grauitatis transeuntem, vtrumque motum perpetuo conseruare debeat, nisi ab externis viribus impediatur. Horum duorum motuum autem vterque seorsim cognosci potest, progressiuus scilicet cognoscitur ex directione et celeritate centri grauitatis, gyrationis vero ex tempore, quo circa axem gyrationis conuertitur; quod ergo etiam colligetur ex celeritate angulari circa istum axem.

§. 12. Cum igitur constet cuiusmodi motus corpus sibi relictum vi propria conseruet, superest vt ostendamus, quomodo vterque motus a potentiis sollicitantibus tam generetur quam alteretur. Quemadmodum igitur motus corporis progressiuus a potentia quomodocunque applicata alteretur, ex sequente principio intelligetur. Sit corpus A, cuius centrum grauitatis A moueatur in recta AB, in qua ergo sua, quam habet, celeritate vniuniformiter progrediretur, nisi a potentiis sollicitaretur. Sollicitetur autem a potentia Cc ipsi in puncto C applicata, et quaeritur, quomodo iste centri grauitatis motus ab hac potentia sollicitante immutetur. Dico autem huius potentiae Cc ad motum progressiuum AB alterandum effectum fore eundem, ac si tota corporis massa in centro grauitatis A esset concentrata, eique potentia Aa aequalis et paral-

parallela ipsi Cc effet applicata. Qui ergo effectus vt definiatur. resoluat^r motus corporis secundum AB , in duos laterales inter se normales AE et AF , quorum ille tantum a potentia Aa turbabitur. Sit igitur potentia $Cc = p$, massa corporis $= A$; celeritas secundum $AE = u$ et temporis elementum dt , eritque hoc tempusculo $du = -\frac{pdt}{A}$; alter vero motus AF hoc tempusculo inuariatus manebit.

§. 13. Ista motus progressiui alteratio eadem semper est, quemcumque corpus simul habuerit motum gyrationis, sed ab eadem potentia quoque ipse motus gyrationis afficitur et turbatur; iste autem potentiae sollicitantis effectus in motu gyrationis perturbando sequenti modo definitur. Sit corpus A , quod praeter motum progressiuum habeat motum circa axem verticalem per centrum grauitatis A transeuntem, quaeriturque, quomodo iste motus gyrationis a potentia Cc alteretur. Fiat motus gyrationis secundum sensum CgH sitque celeritas puncti C circa $A = u$, et distantia $AC = f$ exprimet $\frac{u}{f}$ celeritatem angularem. Multiplicentur iam omnes corporis particulae per quadrata distantiarum suarum respectiue ab axe rotationis, sitque horum factorum aggregatum $= S$. Sit porro potentia $Cc = p$, et sinus anguli $ACc = m$; atque tempusculo dt fiet $du = \frac{mfpdt}{S}$, seu celeritatis angularis $\frac{u}{f}$ decrementum $\frac{du}{f}$ erit $= \frac{mfpdt}{S}$. Hinc perspicitur, si Cc producta per centrum grauitatis A transeat, tum potentiam motum gyrationis omnino non afficere. Eo maior autem erit motus gyrationis alteratio, quo maiores fuerint tum distantia AC , tum sinus anguli ACc .

§. 14

§. 14. In collisionibus primae speciei ergo, in quibus directio impulsus per vtriusque corporis centrum grauitatis transit, a percussione vi in neutro corpore motus gyrationis generari potest, nec, si corpora iam ante conflictum motum gyrationis habuerint, is in percussione mutabitur. Ad motum ergo ex huiusmodi collisionibus ortum determinandum sufficit prius principium nosse, quo alteratio motus progressiui est definita. At ad collisiones secundae atque tertiae speciei omnino altero quoque principio opus habemus. In secunda enim specie in altero corpore motus gyrationis vel generabitur vel alterabitur, atque in tertia specie in vtroque corpore tam gyrationis motus producet^r, quam mutabitur, propter impulsus directionem per neutrius corporis centrum grauitatis transeuntem. Cum igitur leges percussione primae speciei iam satis sint inuestigatae atque cognitae, a secunda specie ordiri conueniet, in qua, qualis mutatio ex collisione oriatur, determinabo.

§. 15. Quiescat igitur corpus $IHC A$, cuius centrum grauitatis sit in A , eiusque massa $= A$; in idque impingat corpus B directe motum celeritate b in directione EB , ita vt recta EB per centrum grauitatis B ducti per punctum impulsus C transeat, simulque sit normalis in planum contactus. Haec ergo collisio erit secundae speciei, quia recta BC in planum contactus est normalis. Sit massa corporis $B = B$ atque ex A ducatur AC , quae in planum contactus oblique incidat. Sit m sinus anguli ACB , erit, ducta AG perpendiculari in BC productam, $\frac{AC}{AG} = m$ seu $m \cdot AC = AG$. Ponatur

H 3

AG

$AG = f$, et distantia $BG = k$, in ipso impulsus initio, quae distantia k propter impressiones, quas corpora durante conflictu sibi inducunt, diminuitur. Quare si corpora fuerint elastica conflictus tam diu durabit, donec interuallum BG pristinam obtinuerit longitudinem k ; sin autem corpora non fuerint elastica tum conflictus mutuae actio cessabit, quando interuallum BG fuerit minimum. Sit denique summa omnium corporis A particularum per quadrata suarum ab axe verticali per A transeunte distantiarum multiplicatarum $= S$.

§. 16. Durante ergo conflictu vtrumque corpus in C sollicitabitur a potentia, cuius directio est in planum contactus normalis, ideoque corporis B motus diminuetur, dum eius directio immutata manet. Corpori vero A motus progressiuus imprimetur secundum directionem Aa parallelam directioni EB seu BC (§. 12.). Simul vero corpori A motus gyrotorius circa axem verticalem per centrum grauitatis A transeuntem imprimetur, quia directio impulsus BG non per centrum grauitatis A transire ponitur (§. 13.). Durante autem conflictu potentia, qua vtrumque corpus vrgetur eo erit maior, quo minor euadit linea BG ; ita vt quantitas huius potentiae a diminutione interualli BG pendeat. Generatim igitur iam constat effectus, qui ex huiusmodi collisione oritur: scilicet post conflictum corpus B minorem quam ante habebit celeritatem, eandem tamen directionem. Corpus vero A duplicem acquirat motum, alterum progressiuum secundum directionem Aa parallelam directioni EB alterum gyrotorium circa axem verticalem per A transeuntem in sensum CHI .

§. 17.

§. 17. Quo igitur, quanti sint post conflictum hi Figura 2. singuli motus, definiam, sit durante ipso conflictu corporis A centrum grauitatis in A , corporis B in B . Erit, quia conflictus puncto temporis absoluitur et impressiones sunt quam minimae, vt ante $AG = f$, et sinus anguli $ACB = m$; interuallum vero BG sit $= x$, quod quam minimae a k differat. Sit potentia, qua vtrumque corpus hoc statu sollicitatur $= p$, quae ergo erit functio quaedam ipsius x , euanescens si sit $x = k$. Sit corporis B celeritas, quae ipsi adhuc superest in directione $EB = v$; corpus vero A iam habeat motum progressiuum in directione Aa parallela ipsi EB , cum celeritate $= u$. Celeritas vero angularis, quam corpus A acquisiuit sit $= r$; celeritatem autem angularem metior celeritate, quam punctum quoduis circa axem gyrationis habet, diuisa per eiusdem puncti ab axe distantiam; hic enim quotus semper est constans. Supra vero iam est ostensum, quomodo celeritatis angularis hac ratione expressae incrementum a data potentia nactum determinetur.

§. 18. Perueniant iam elemento temporis dt in situs proximos; scilicet A in a ; B in b ; G in g . Eritque $Bb = vdt$; $Aa = udt$. Ad motum vero angularem cognoscendum ducatur $a\gamma$ parallela ipsi AG , erit $g\alpha\gamma$ angulus tempusculo dt motu angulari genitus; qui cum sit vt celeritas angularis r et dt coniunctim erit $\frac{r\gamma}{AG} = rdt$ seu $g\gamma = frdt$. Quia vero ante erat $BG = x$, erit nunc $Bg = x + dx$. Cum ergo habeatur $Bg = x + udt + frdt = vdt + x + dx$, fiet $dx = dt(u - v + fr)$ seu $dt = \frac{dx}{u - v + fr}$. Consideremus iam sollicitationes

tempusculo dt a potentia sollicitante p peractas, eritque per (§. 12.), $dv = -\frac{p dt}{B}$; $du = \frac{p dt}{A}$; $dr = \frac{m \cdot AC \cdot p dt}{S}$ (§. 13) $= \frac{f p dt}{S}$. Sumtis ergo integralibus erit $v = b - \frac{f p dt}{B}$; $u = \frac{f p dt}{A}$; $r = \frac{f p dt}{S}$, integrali $f p dt$ ita accepto ut evanescat posito $t = 0$, hoc est in ipso conflictu initio. Hinc ergo obtinebitur $f p dt = B(b - v) = Au = \frac{S r}{f}$, seu $B(b - v) = Au = \frac{S r}{f}$; quae proprietas etiam finito conflictu locum habet.

§. 19. Substituto loco dt eius valore $\frac{dx}{u - v + fr}$ habebitur $B dv = -\frac{p dx}{u - v + fr}$; $A du = \frac{p dx}{u - v + fr}$ atque $\frac{S dr}{f} = \frac{p dx}{u - v + fr}$. Hinc formabitur ista aequatio:

$$\begin{aligned} & a B u d v - a B v d u + a B f r d v \\ & + \varepsilon A u d u - \varepsilon A v d u + \varepsilon A f r d u = (-\alpha + \varepsilon + \gamma) p dx \\ & + \frac{\gamma S u d r}{f} - \frac{\gamma S v d r}{f} + \gamma S r d r. \end{aligned}$$

Ponatur $\alpha = -A$, $\varepsilon = B$, $\gamma = \frac{A B f f}{S}$, prodibitque integrando $\frac{A B v^2 + A B u^2 + A B f^2 r^2}{2} - A B v u - A B f r v + A B f r u = (A + B + \frac{A B f f}{S}) f p dx + \frac{A B b^2}{2}$, sumto $f p dx$ ita ut evanescat posito $x = k$, hoc est in ipso conflictu initio. Sequentem igitur adepti sumus aequationem $v^2 + u^2 + f^2 r^2 - 2 v u - 2 f r v + 2 f r u = b^2 + 2(\frac{1}{B} + \frac{1}{A} + \frac{f f}{S}) f p dx$, ex qua radicem extrahendo prodit $-v + u + f r = \sqrt{b^2 + 2(\frac{1}{A} + \frac{1}{B} + \frac{f f}{S}) f p dx}$. Haec ergo aequatio si cum duabus prioribus inuentis coniungatur, prae-

praebit tres aequationes, ex quibus pro quouis conflictu tempore, tam vtriusque corporis celeritates quam corporis A motus gyratorius poterunt determinari.

§. 20. Ponamus corpora ambo esse perfecte elastica, quia tum conflictus cessat, cum x fuerit pristinam longitudinem k adeptum, ponamus $x = k$, fietque $\int p dx = 0$, quia per hypothesin $p dx$ ita est integratum, ut evanescat posito $x = k$. Quamobrem finito conflictu habebitur $b + v = u + f r$; quae aequatio cum aequationibus $B(b - v) = Au = \frac{S r}{f}$ coniuncta, determinabit vtriusque corporis A et B celeritates post conflictum, nec non celeritatem gyratoriam, quam corpus A ex conflictu acquirit. Erit scilicet corporis B celeritas post conflictum in directione BC $= b - \frac{2 A S b}{(A + B) S + A B f f}$, corporis A vero motus progressus fiet in directione Aa cum celeritate $= \frac{2 B S b}{(A + B) S + A B f f}$; corpus vero idem A simul habebit motum gyratorium circa axem verticalem per centrum gravitatis A trans euntem cum celeritate angulari $= \frac{2 A B f b}{(A + B) S + A B f f}$; ubi est b corporis B celeritas ante conflictum; $f = A B$; A et B sunt corporum massae, atque S est summa omnium productorum, quae prodeunt multiplicando singulas corporis A particulas per quadrata suarum ab axe gyrationis distantiarum.

§. 21. Si corpora omni elatere careant, tum conflictus cessabit, quando impressio, quam impulsus vtrique corpori inducit, est maxima facta, hoc est, quando intervallum BG fit minimum. Hoc vero accidit, si fit $dx = 0$. Cum autem inuenerimus $dx = dt(u - v + fr)$,
Tom. IX. I erit

erit $dx=0$ quando est $v=u+fr$; quamobrem cessante conflictu mutuaque corporum actione erit $v=u+fr$; quae aequatio coniuncta cum aequationibus $B(b-v)=Au=\frac{Sr}{f}$, dabit quaesitos valores pro v , u et r , ex quibus motus utriusque corporis post conflictum cognoscantur. Inuenietur autem corporis B celeritas post conflictum $b-\frac{ASb}{(A+B)S+ABf}$, eiusque directio erit BC eadem scilicet, quae ante. Corporis vero A celeritas ex conflictu acquisita erit $\frac{BSb}{(A+B)S+ABf}$, hac nempe celeritate centrum grauitatis corporis A in directione Aa promouebitur. Motus vero gyratorii, quem corpus A in conflictu adipiscitur circa axem verticalem per A transeuntem, celeritas angularis erit $\frac{ABfb}{(A+B)S+ABf}$. Apparet ergo hoc casu, quo corpora non elastica ponuntur, celeritatem corporis A utramque duplo esse minorem, quam pro corporibus elasticis; itemque decrementum celeritatis corporis B duplo esse minus.

§. 22 Si ponamus f euanescere, ita ut linea CG seu directio impulsus per centrum grauitatis A transeat, quo casu recta AC normalis erit in planum contactus, tum resultare debent regulae communicationis motus pro collisionibus primae speciei, iam satis quidem notae. Quod, quo eo facilius appareat, faciamus $f=0$, positis corporibus elasticis, quo facto prodibit corporis B celeritas post conflictum $b-\frac{Ab}{A+B}$; corporis A vero celeritas, qua eius centrum grauitatis progreditur $\frac{Bb}{A+B}$, celeritas gyratoria vero euanescit; quae regulae apprimè conueniunt

niunt cum iam inuentis: sin autem corpora fuerint elastica expertia, erit corporis B celeritas post conflictum $b-\frac{Ab}{A+B}$, et corporis A celeritas $\frac{Bb}{A+B}$. Ex his ergo cum inuentis formulis comparatis intelligitur corporis B post conflictum celeritatem eo maiorem futuram esse, quo maius fuerit interuallum $AG=f$; contra vero celeritatem corporis A eo minorem fore. Celeritas vero gyratoria erit $=0$, tam si $f=0$ quam si $f=\infty$; maxima ergo erit, si fuerit $(A+B)S=ABff$. hoc est, si $B=\frac{AS}{Aff-S}$, si quidem $Aff > S$.

§. 23. Operae pretium iam erit inuestigare, quid in huiusmodi collisionibus conseruetur, vtrum ante et post conflictum quantitas virium viuarum, an vero quantitas motus maneat eadem. Illi enim qui motus quantitatem conseruari statuunt, leges communicationis motus in collisionibus primae speciei allegare solent, in quibus utique tam pro corporibus elasticis quam non elasticis conseruatio quantitatis motus perspicitur; etiamsi corpora non elastica ad huiusmodi conseruationem euincendam non idonea videantur. Nam quicquid vis nomine intelligitur in collisione corporum non elasticorum portio quaedam virium necessario perire debet, cum ad impressiones faciendas vi opus sit, eaque in corporibus non amplius restauretur. In corporibus vero elasticis ea vis, quae ad impressiones impenditur iterum in corpora transfertur, dum impressiones sese restitunt, ita ut quomodocunque vires metiri velimus, eadem virium quantitas in collisione corporum elasticorum conseruari debeat. Cum autem in collisionibus corporum elastico-

I 2

rum

rum primae speciei tam motus quam virium viuarum, prout appellari solent, quantitas conseruetur, lis adhuc suo iudice versatur; quam ex collisionibus secundae speciei dirimere licebit.

§. 24. Inuenimus autem pro corporibus tam elasticis quam non elasticis hanc aequationem $B(b-v) = Au$, quae dat $Bb = Bv + Au$, ex qua aequabilis centri communis grauitatis progressio colligitur. Est vero Bb quantitas motus ante conflictum, Bv quantitas motus in corpore B post conflictum; quare si modo Au exhiberet quantitatem motus in corpore A post conflictum, conseruatio quantitatis motus etiam hic locum teneret. Sed cum corpus A praeter motum progressiuum celeritate u habeat motum gyrationum circa centrum grauitatis, maiorem habebit motus quantitatem, quam si solo motu progressiuo moueretur. Ex quo perspicitur in huiusmodi secundae speciei collisionibus quantitatem motus augeri, siue corpora sint elastica siue minus; cum ergo vires verae a nihilo multiplicari nequeant, satis intelligitur vires per facta ex massis in celeritates perperam mensurari. Quod autem ad quantitatem virium viuarum attinet, ea in his etiam collisionibus mirifice conseruatur; si quidem corpora ponantur elastica. Corporis enim A post conflictum celeritate progressiuam u et gyrationem r latius vis viuata est $= Au^2 + Sr^2$. Corporis B vero vis viuata post conflictum est $= Bv^2$, ita vt summa virium viuatarum $= Au^2 + Bv^2 + Sr^2$, quae si loco u , v , et r valores inuenti §. 20. substituuntur, prodibit Bb^2 vis viuata ante conflictum.

§. 25.

§. 25. Impingat globus B ex materia vniiformi conseruans, cuius massa sit B , motus in directione ξB celeritate b directe in parallelepipedum rectangulum homogeneum $EFHI$ quiescens ita, vt recta ξB in punctum contactus C sit normalis, atque parallelepipedum centrum grauitatis A eiusque sectio basi parallela $EFHI$ per A transiens in eodem posita sint plano cum recta ξBC . Planum scilicet chartae in figura tam parallelepipedum quam globum in duas partes similes et aequales diuidere ponitur. Sit $AG = f$ parallelepipedum longitudo $IH = 2c$ et latitudo $FH = 2g$, atque massa parallelepipedum $= A$. Si nunc singulae parallelepipedum particulae per quadrata distantiarum suarum ab axe verticali per centrum grauitatis A transeunte multiplicentur prodibit eorum summa $S = \frac{1}{2}(g^2 + c^2)$. Si ergo vtrumque corpus ponatur elasticum, erit post conflictum celeritas corporis $B = b - \frac{A(g^2 + c^2)b}{(A+B)(g^2 + c^2) + Bf^2}$. Corporis A vero celeritas progressiuam indirectio Aa parallela directioni ξB erit $= \frac{cB(g^2 + c^2)b}{(A+B)(g^2 + c^2) + Bf^2}$. Interea vero parallelepipedum circa axem verticalem per A transeuntem gyrabitur celeritate angulari $= \frac{cBfb}{(A+B)(g^2 + c^2) + Bf^2}$. Si corpora non fuerint elastica loco coefficientium 2 et 6 medietates 1 et 3 debent collocari.

§. 26. In quaestione §. 25. posuimus corpus A , in quod alterum B impingit, quiescens, sed solutio non fit difficilior, si corpus A tam motum progressiuum in directione Aa parallela directioni ξb , quam motum gyrationum circa axem verticalem per centrum grauitatis A transiens.

I 3

trans-

transuentem tribuamus. Sit itaque celeritas corporis A progressiua $= a$, celeritas angularis $= c$, quae fiat in sensum CHI. Manentibus ergo iisdem, quibus supra vsi sumus ratiociniis, obtinebimus sequentes aequationes, $dx = dt(u - v + fr)$ atque $B(b - v) = A(u - a) = \frac{S(r - c)}{f}$. Praeterea si corpora fuerint elastica erit $-v + u + fr = b - a - fc$, at si non fuerint elastica habebitur $-v + u + fr = 0$, Quamobrem si corpora fuerint elastica, erit post conflictum celeritas corporis B in directione $\xi B = b - \frac{2AS(b - a - fc)}{(A + B)S + ABff}$, corporis A vero celeritas progressiua in directione Aa erit $= a + \frac{2BS(b - a - fc)}{(A + B)S + ABff}$. Corporis denique A celeritas angularis, qua post conflictum circa axem per A transeuntem gyraabitur, erit $= c + \frac{2ABf(b - a - fc)}{(A + B)S + ABff}$. Hae vero eadem expressiones pro corporibus non elasticis valebunt, si modo coefficientes 2 omitantur.

Figura 4 §. 27. Quamquam in hac solutione posui vtriusque corporis A et B celeritates esse in directionibus inter se parallelis et ad planum contactus normalibus, tamen ex eadem solutione facile quoque ii casus resoluentur, in quibus corporum A et B celeritates ante conflictum quasuis habeant directiones. Moueatur scilicet corpus B ante conflictum in directione bB celeritate vt bB , et corpus A in directione Aa celeritate vt Aa. Resoluantur hi motus in binos laterales inter se normales $B\xi$, Bq et Aa, Ap , quorum alterorum directiones $B\xi$ et Aa sint inter se parallelae et in planum contactus normales, alterae vero Bq et Ap ad priores normales. Cum igitur iam constet, motus in directionibus qB et Ap factos

a con-

a conflictu non turbari, ponantur corpora B et A motibus ξB et Aa tantum ferri, atque ex §. prae edente definiatur vtriusque motus post conflictum. Tum vero isti motus ex conflictu orti iterum coniungantur cum motibus secundum directiones qB et Ap, et motus ex compositione orti erunt veri corporum motus post conflictum. Motus vero gyriorius corporis A neque ab hac resolutione nec compositione motus afficietur.

§. 28. Quin etiam ex his simul intelligitur, si directiones, in quibus corpora A et B ante conflictum mouentur, non fuerint in plano horizontali, in quo centra grauitatis corporum A et B vna cum puncto impulsus C esse ponimus, motus post conflictum simili modo determinari posse. Hoc autem casu vtriusque corporis A et B motus in ternos inter se normales resolui debent, quorum vnus sit in plano horizontali ad planum contactus normalis, secundus quoque in plano horizontali sed plano contactus parallelus, tertius vero in linea verticali et proinde etiam plano contactus parallelus. In conflictu deinceps primi tantum motus considerentur, quippe qui soli a conflictu perturbantur, et quantam ex conflictu mutationem accipiant, definiatur. Denique hi motus resultantes cum reliquis secundum leges compositionis motus iterum coniungantur, hocque pacto obtinebuntur vtriusque corporis motus post conflictum. Motus vero gyriorius corporis A tam ante quam post conflictum alius concipi non potest, nisi circa axem verticalem. Principia enim, de quibus etiamnum constat, ad alios motus gyriorios non sunt sufficientia.

§. 29.

§. 29. Progrediamur igitur ad collisiones tertiae speciei inuestigandas, sitque corpus quodcumque A quiescens cuius massa sit $=A$, et centrum grauitatis in A, in id impingat aliud corpus B, cuius massa sit B, et centrum grauitatis in B; sit directio corporis B recta EB parallela directioni impulsus, et celeritas eius $=b$. Sit C punctum impulsus et EF planum contactus, ad quod per C ducatur normalis GH, in eamque ex A et B perpendiculara AG et BA demittantur, erit GH directio impulsus parallela directioni motus EB corporis B. Cum igitur in conflictu vtrumque corpus vrgeatur a vi, cuius directio est GH, corpori A inducetur motus progressiuus secundum directionem Aa parallelam ipsi HG, corporis B vero celeritas progressiua b in directione EB minuetur, directione eius, quia est parallela ipsi HG, non mutata. Vtrique vero corpori in conflictu motus gyrationis circa axem verticalem per eius grauitatis centrum transeuntem inducetur, quia recta GH per neutrius centrum grauitatis transit. Sit ergo $\text{AG}=f$, $\text{BH}=b$, et ipso impulsus initio $\text{GH}=k$. Denique sit summa omnium particularum in quadrata distantiarum suarum ab axe gyrationis multiplicatarum in corpore A $=S$; in corpore B vero $=R$.

Figura 6

§. 30. Durante conflictu teneat recta GH cum corporum centris grauitatis A et B situm in figura iisdem litteris repraesentatum, erit vt ante $\text{AG}=f$, et $\text{BH}=b$; at cum in conflictu corpora aliquam impressionem secundum GH sibi inducant, erit distantia GH minor quam k , sit igitur ea $=x$. Hoc porro in statu sit corporis B celeritas progressiua $=v$, eiusque celeritas angu-

angularis quam iam acquisiuit $=s$. Corporis A vero celeritas progressiua sit $=u$, et celeritas angularis $=r$. Iam temporis elemento dt , transferantur puncta A, B, G, H in loca a, b, g, h , et ducantur $a\gamma$, $b\eta$ parallelae ipsis AG, BH. Erit ergo $\text{Aa}=udt$, $\text{Bb}=vdt$, atque ob motus angulares habebitur $g\gamma=frdt$, $h\eta=bsdt$. Intervallum vero gb erit $=x+dx$. At cum sit $\text{Hg}=x+udt+frdt=x+dx+vdt-bsdt$ erit $dx=dt(u-v+fr+bs)$ seu $dt=\frac{dx}{u-v+fr+bs}$. Sit porro vis, qua vtrumque corpus vi compressionis vrgetur $=p$, erit $dv=-\frac{pdt}{B}$; $du=\frac{pdt}{A}$; $dr=\frac{fpdt}{S}$ atque $ds=\frac{bpdt}{R}$. Hinc ergo fiet $spdt=B(b-v)=Au=\frac{sr}{j}=\frac{Rj}{b}$.

§. 31. Si nunc loco dt substituatur $\frac{dx}{u-v+fr+bs}$, habebuntur sequentes aequationes:

$$\begin{aligned} vdv-udv-frdv-bsdv &= \frac{pdx}{B} \\ udu-vdu+frdu+bsdu &= \frac{pdx}{A} \\ fudr-fvdr+ffrdr+fb_sdr &= \frac{ffpdx}{S} \\ buds-bvds+fbrds+bbsds &= \frac{b^2pdx}{R} \end{aligned}$$

quae aequationes inuicem additae et integratae dabunt sequentem aequationem $v^2+u^2+fr^2+bs^2-2uv-2frv-2bsv+2fru+2bsu+2fbrs=2(\frac{1}{A}+\frac{1}{B}+\frac{ff}{S}+\frac{bb}{R})spdx+b^2$. Integrali $spdx$ ita accepto vt euanescat posito $x=k$. Si ergo corpora fuerint perfecte elastica, conflictus cessabit, si x iterum fiat $=k$, quo casu $spdx$ euanescit. Si igitur $v, u, r, et s,$
Tom. IX. K cor-

corporum celeritates post conflictum denotent, habebitur pro corporibus elasticis haec aequatio, postquam radix quadrata est extracta $u-v+fr+hs=b$, quae cum ante inuentis $B(b-v)=Au=\frac{Sr}{f}=\frac{Rs}{b}$ coniuncta dabit

$$v = b - \frac{2ARSb}{(A+B)RS+AB(Rff+Sbb)};$$

$$u = \frac{2BRsb}{(A+B)RS+AB(Rff+Sbb)};$$

$$r = \frac{2ABRfb}{(A+B)RS+AB(Rff+Sbb)};$$

atque $s = \frac{2ABSbb}{(A+B)SR+AB(Rff+Sbb)}.$

§. 32. Si corpora omni elasticitate careant loco aequationis $u-v+fr+hs=b$, hac uti oportet $u-v+fr+hs=0$. Nam cum hoc casu conflictus mutuaeque actio cesset, quando impressio vtrunque facta est maxima; hoc eueniet quando fit $dx=0$. Sed quia est $dx=dt(u-v+fr+hs)$, erit $dx=0$, si fuerit $u-v+fr+hs=0$. Quamobrem si haec aequatio cum ante inuentis $B(b-v)=Au=\frac{Sr}{f}=\frac{Rs}{b}$ coniungatur, prodibit

$$v = b - \frac{ARSb}{(A+B)RS+AB(Rff+Sbb)};$$

$$u = \frac{BRsb}{(A+B)RS+AB(Rff+Sbb)}$$

$$r = \frac{ABRfb}{(A+B)RS+AB(Rff+Sbb)}$$

atque $s = \frac{ABSbb}{(A+B)RS+AB(Rff+Sbb)}.$

Haec igitur sunt motus communicationis leges pro collisionibus tertiae speciei, ex quibus si ponatur $b=0$, orientur leges pro collisionibus secundae speciei; atque si fiat

fiat $f=0$ et $b=0$, tum prodibunt leges notae pro collisionibus speciei primae. Ex his vero regulis pro corporibus elasticis iterum conseruatio virium viuarum conspicitur.

§. 33. Si corpus A ante conflictum non quiescat, sed moueatur celeritate a in directione Aa parallela directioni EB et directioni impulsus GH; habeatque iam ante conflictum vtrumque corpus motum gyratorium circa axem verticalem, in eum sensum ut in conflictu vterque augeatur. Sit corporis A celeritas angularis $=c$, et corporis B celeritas angularis $=e$. Quibus in calculum introductis prodibunt loco superiorum aequationum sequentes $B(b-v)=A(u-a)=\frac{S(r-e)}{f}=\frac{R(s-e)}{b}$, atque $u-v+fr+hs=b-a-fc-be$ pro corporibus elasticis, at huius loco $u-v+fr+hs=0$ pro corporibus non elasticis. Post conflictum ergo, si corpora ponantur elastica, erit corporis A celeritas progressiua

$$= a + \frac{2BRS(b-a-fc-be)}{(A+B)RS+AB(Rff+Sbb)}.$$

eiusque celeritas angularis

$$= c + \frac{2ABRf(b-a-fc-be)}{(A+B)+RSAB(Rff+Sbb)}.$$

Corporis vero B post conflictum celeritas erit

$$= b - \frac{2ARS(b-a-fc-be)}{(A+B)RS+AB(Rff+Sbb)};$$

et eius celeritas angularis

$$= e + \frac{2ABSb(b-a-fc-be)}{(A+B)RS+AB(Rff+Sbb)}.$$

Eaedem formulae omittis binariis inseruiunt pro corporibus non elasticis.

§ 34. Quando ergo corporum directiones motus progressivi ante conflictum parallelæ fuerint directioni impulsu, tum in conflictu directiones non mutantur. Ex quo intelligitur si hæc directiones non fuerint parallelæ directioni impulsus, tum motus, ut supra fecimus, in laterales esse resoluendos, quorum alteri sint normales in planum contactus, alteri eidem paralleli. Perspicuum enim est ex principiis mechanicis motus perpendiculares tantum a conflictu turbari, alteros omnino non affici. Quare post conflictum ope compositionis motus utriusque corporis motus progressivus poterit determinari. Quod autem ad motus gyatorios attinet, ii a motibus progressivis nullatenus afficiuntur, et hanc ob rem easdem sequentur leges, quasunque motus progressivi teneant directiones. Omnes igitur tres collisionum species hic explicatas dedi duplici tamen restrictione, quarum prima corpora sibi ita occurrere ponit, ut eorum centra gravitatis cum directione impulsus in eodem plano sint posita; altera vero corpora talia requirit, quæ circa axem per centra gravitatis transeunt et ad illud planum normales libere gyari queant. Casus autem in quibus hæc conditiones locum non habent, per principia cognita tractare non licet; sed eorum explicatio maiorem mechanicae promotionem requirit.

SPE-

SPECIMEN ALGEBRAE
AD
ARCHITECTURAM MILITAREM
APPLICATAE,
AVCTORE
Georg. Wolffg. Krafft.

§. I.

Solent hodie Architecti militares subinde ad resolu- Tabula IV.
tionem. Problematum quorundam admovere Alge-
bram, cuius instituti hinc et inde iam ab aliquo
tempore specimina publice apparent; et quod eo maio-
rem laudem meretur, quo propius sic gravissima mu-
niendi scientia ad Geometricam veritatem accedit. Idem
institutum hic persequar, acturus de Propugnaculis mu-
nimentorum, Gallice *Bastions*, quantum quidem per co-
gnitionem harum rerum bellicarum mihi licebit.

§. 2. Anguli propugnaculorum quantitas, ut ab ar-
chitectis militaribus determinetur, sequentes adhibentur
ab eis Regulae et Axiomata. Nempe (1.) *Angulus pro-*
pugnaculi par sit violentiae tormentorum, unde non sit minor
60 gradibus, quia talem sufficere usus docuit. (2.) *Re-*
ctus propugnaculi angulus optimus est. Inveniunt nempe
ictus tormentorum *rs, rs*, ad Faciem propugnaculi per- Figura 11.
pendiculariter directi, maius obstaculum in angulo pro-
pugnaculi recto BAC, quam acuto BAC; quod idem
adhuc magis patet in angulo propugnaculi obtuso; unde
K. 3, etiam